

Date – 21/10/2024

Time - 18:30 -18:40Hrs

REGIONAL NEWS BULLETIN

HEADLINES (EVENING)

1. Mizoram Commercial Vehicle Union in lungawi lohna lantira nawrh huaihawt an tum chu sorkar in nuar lo turin a duh a, mipui tana harsatna thlentir lo turin a ngen.
2. Ram tana thawktu, an hnathawhna hmuna an nunna chan Police te sunna hun 'Police Commemoration Day' chu ramchung hmun dang rualin Mizoramah pawh hman a ni.
3. Prime Minister Narendra Modia chuan khawvel hmabak siam tha turin India chuan hma a hruai a ti.
4. India leh China chuan Ladakh chhak lam Line Of Actual Control (LAC)- a venghimtu sipaite veivah dan turah inremna an siam..

<><><>

POL

Tun hnaiah sorkarin tuialhtheia chhiah a tihsan avanga Mizoram Commercial Vehicle Union (MCVU) in lungawi lohna lantira nawrh huaihawt an tum chu Mizoram sorkar chuan nuar lo turin a duh a, mipui tana harsatna thlentir lo turin a ngen.

Hemi chungchanga orkar thuchhuah tarlan danin, Commercial vehicle pawl thenkhatin mipui tana harsatna thleng palh thei hriaa nawrh ve loh an rel chu sorkar chuan lawmawm a ti a, hei vang hian tluang taka an service ngei theihna turin sorkar chuan hma a la dawn a; commercial vehicle zinga service duhte an duh anga an service ngei theihna turin sorkarin hma lâk a tum a ni.

Sorkar chuan chhiah tihsan chungchangah mipui nawlpuiin nghet taka ding turin sorkar an ngen tih a sawi a, tuna chhiah lak thar tling khawmte chu mipui hnenah a kir leh vek dawn a, ram hmasawna tura kawng hrang hranga hman tura duan lawk a ni, an ti.

Mizoram sorkar chuan hetiang chungah MCVU-in nawrh an kalpui tlang dawn a nih pawhin mipuiin an tawrh lohna turin sorkarin theihtawp a chhuah dawn an ti a, ruahmanna pawh a siam lawk tawh a; mipui tana harsatna thleng zawnga hma la lo turin Mizoram sorkar chuan pawl hrang hrangte a ngen a ni.

Hetihlai hian, Mizoram Commercial Vehicle Union, Information Secretary, Mizoram Truck Owners' Assn General Secretary ni bawk Pu Dina Tlau chuan chhiah pun avanga an tawrhna a nasat lutuk avang leh mipui thleng pawha an tawrh theih avangin sorkar hmalakna chu dodal lo thei an ni lo tih kan corr zawhna chhangin a sawi a, NGOCC nen an inbiaknaah an harsatna hrethiama sorkar nawr ve tho an tum avangin NGOCC thlazar hnuai hmalak an remti hmasaa, amaherawhchu tuna sorkarin chhiah tihhnam a tum leh tak lovah chuan hma an la zui ta a ni a ti.

Pu Dina Tlau chuan tun nilai atanga lungawilohna lantir an tum naah, Aizawl-a Taxi neitute leh Tipper neitu pawl ten an hmalakna an thlawp lo a a hriat thu sawiin, Aizawl khawchung ni lo, hmun danga taxi leh vantlang phur lirthei te erawhin an zawm ve dawn a ni a ti.

<><><>

NAGALAND

Nagaland Governor, La Ganesan chuan vawiin khan Kolasib District Vairengte-a CIJW School a thleng a, naktip hian Vairengte Jt.YMA field-ah Hnam inpumkhatna leh hnam ziarang chawilarna programme 'Bharat Ko Jano' chu khuallian niin a hmanpui ang.

He hunah hian Nagaland Governor La Ganesan bakah Mizoram Governor Dr Hari Babu Kambhampati chuan khualzahawm niin hun a hmanpui dawn a, Nagaland khawpui Dimapur-a hmunpui nei 'North East Zone Cultural Centre' leh Mizoram sorkara Art & Culture Department tangkawp huaihawt 'Bharat Ko Jano' pual hian naktuk ni 22 hian Vairengte-a CIJM School-ah hun hman tur niin naktip ni 23 hian Vairengte Jt.YMA field ah hun hman a ni dawn a ni.

He hunah hian Assam, Nagaland, Tripura leh Mizoram atangin lamthiam ten hnam lam chi hrang hrang an entir dawn a. North East Zone Cultural Centre (NEZCC)-ah hian India hmarchhak State pasarih te bakah Sikkim an tel a ni.

<><><>

POLICE COMMEMORATION DAY

Ram tana thawktu, an hnathawhna hmuna an nunna chan ta Policete sunna hun 'Police Commemoration Day' chu ramchhung hmun dangte rualin tukin khan Mizoramah pawh hman a ni a, kumina sun zingah hian Mizoram Police an awm lo a ni.

Aizawl Armed Venga Martyrs Memorial Stone, 1st Bn MAP Headquarters-ah Mizoram Director General of Police (DGP) Anil Shukla-a hoin nikum September ni 1 atanga kumin August ni 31 inkara India police thite sunna hun hman a ni.

DGP chuan nikuma sunna leh kumina sunna hun inkarah Police 216 zetin an mawhphurhna an hlanna kawngah nunna an hlan, a ti a. kum 1947 August ni 15 atanga kumin August ni 31 thleng khan India Police mi 36,447 zet an martar tawh a ti bawk.

Pu Anik Shukla chuan kuminah Pathian khawngaihna leh vannneihna zarah Mizoram Police sun tur an awm lo tih a sawi a, state hrang hrangah erawh ram tana martar an awm tih sawiin, an chhuanawm bakah an tuarpui tih a sawi bawk a ni.

Aizawl bakah hian district hrang hrangah pawh hman a ni a, kan corr report lo ngaithla ang.

<><><>

ASSEMBLY COMT

Mizoram Legislative Assembly Committee on Public Undertakings chu an Chairman Pu Ginzalala kaihhruaiin Committee on Public Undertakings Kerala Legislative Assembly, enkawlina hnuaia awm Corporation hrang hrang tlawh turin vawiin khan an zin chhuak a.

An tlawh tur te hi Agro-Industries, Handicraft Development Corporations bakah Tourism Development Corporation niin Kerala-in an kalpui dan an zirchiang dawn a ni.

He study tour hian Ningani thleng a aw h ang a, Committee Member Pu V Malsawmtluanga, Vice Chairman, Lunglei High Powered Committee, Pu K. Laldawngliana, Lt. Col. Lalhmingthanga, Pu Lalramliana te an tel a. Mizoram Legislative Assembly Secretariat Pi K. Lalmuanthangi, Joint Secretary leh Pu Rosangliana Chhakchhuak, Committee Officer ten an tawiawm a ni.

<><><>

MNF

MNF Vice President – Pu Lalchhandama Ralte, MLA chuan Power changtu Minister leh Assam Rifles indan buai chungchangah sorkar a ngawih reng chhan an hre duh a ti a.

Opposition leader Pu Lalchhandama Ralte chuan he thil thleng hi party dangten politics thilah an la lo a, Democracy leh mipui dikna chanvo tun din ni rawh se an ti zawk tih sawiin hnam anga tanrualna hun atan hman an beisei lain Mizoram sorkar a la ngawi reng a, an ngeng a chhun loh vang a ni thei a ni a ti.

ZPM Minister dang leh MLA dangte an ngawih tlat chhan pawh hriat an duh a ti a, Assam Rifles in minister an dang buai leh an duhna hmun hmuna check post an siam chu MNF Legislature Party chuan an dem tak zet tih a sawi nawn a ni, a ti.

<><><>

PM

Prime Minister Narendra Modia chuan khawvel hmabak siam tha turin India chuan hma a hruai a ti. Vawiina private media World Summit, New Delhi-a a hawnaah he thu hi sawiin PM Modia chuan ramin kawng hrang hrangah chak takin hma a sawn a ti a. Khawvelin harsatna tawka dinhmun Chiang lo tak a hmachhawn lain India chuan beiseina meichher a keng tlat a ti a. COVID-19 hrilen laite, khawvel sum dinhmun harsat laite, thil man sang avanga harsatna tawh laite, hna thawh tur awm loh avanga buai lai te leh sik leh sa inthlak nasa bakah indona boruak karah India chu nghet takin a ding tlat a ti a. NDA sawrkar term thumna ni 195 chhungin hmasawna ruhrel cheng vaibelchhe nuai 9 chaung man pawm tawh a ni a ti baw.

<><><>

DAVID CAMERON

British Prime Minister hlui David Cameron chuan UN Security Council-a member nghet ni turin India chu a thlawp tih a sawi. Private TV channel Summit-ah Pu Cameron-a chuan khawvel harsatna thleng hrang hrangah hian India aw chu ngaihthlak a pawimawh hle a ti a. Indopui pahnihna zawh hnuah UN din anih hnuah India chu nasa takin a thang a ti a. UN Security Council chu siamthat a hun hle a ni tih a tarlang baw a ni.

<><><>

INDIA AND CHINA

India leh China chuan Ladakh chhak lam Line Of Actual Control (LAC)- a venghimtu sipaite veivah dan turah inremna an siam. Foreign Secretary Vikram Misri chuan vawiin khan New Delhi-a chanchinbumite a kawmnaah he thu hi sawiin he inremna hian sipai lakchhuah leh kum 2020 atanga ramria inhmuhthiamlohna tam tak sukiang turin hma a hruai dawn a ti a. Ram pahnihten ngun taka an sawidun hnua patrol dan turah ruahmanna an siam thei ta tih sawiin he inremna siam tur hian chhawng hrang hrangin inbiak a ni a ti bawk.

<><><>